

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
KANTONALNO TUŽILAŠTVO/KANTONALNO TUŽITELJSTVO
TRAVNIK

Broj: T06 0 KT 0032595 23

Travnik, 22.08.2025. godine

OPĆINSKI SUD BUGOJNO

Na temelju odredbe člana 45. stav 2. tačka h) člana 241. stav 1. Zakona o kaznenom postupku Federacije Bosne i Hercegovine, p o d i ž e m :

O P T U Ź N I C U

Potvrđena dana 19.05.2026. godine

Protiv:

1. H. O.

2. N.V.

Što su:

Dana 01.01.2023.godine oko 16,00 sati u ul. Sultan Ahmedova u Bugojnu, zajedno i po prethodnom dogovoru , nasiljem te drskim i bezobzirnim ponašanjem ugrozili građanski mir i pritom oštećene lako tjelesno ozlijedili, na način da kada su uočili oštećene E. K. i E.H. kako se u društvu S. i A. M. kreću ulicom prema Ahmedovom vozilu, koji je bio parkiran uz trotoar zgrade lamele, potrčali su prema njima kako bi ih stigli te bez ikakvog povoda, osumnjičeni H.O. prilazeći oštećenju E. K. udario je zatvorenom pesnicom u predjelu glave, usljed čega je pala na tlo, pa kada ju je oštećeni E. H. nastojao zaštititi od udaraca uzevši je u naručje, obadvojica osumnjičena H. O. i Nevzad V. su nastavila da ih obadvoje udaraju rukama i nogama po glavi i cijelom tijelu , dok su sve to gledali S. i A. M., usljed čega je oštećena E. zadobila lake tjelesne ozljede u vidu nagnječenja glave i oguljotine kože u predjelu desne čeone regije, nagnječenje desnog koljena sa oguljotinama kože, i prijelom nosne kosti sa oguljotinama kože, dok je oštećeni E. zadobio lake tjelesne ozljede u vidu nagnječenja predjela glave, znajući da takvim nasilnim i drskim postupanjem , na ulici mogu ugroziti građanski mir i pritom oštećene lako tjelesno ozlijediti, i htijući to, gdje su se potom oštećeni uspjeli otrgnuti od napada i sjesti u vozilo i zajedno sa S. i A. odvesti se sa lica mjesta , a potom u Dom zdravlja Bugojno te predmetni događaj prijavili PU Bugojno.

Dakle, zajedno i po prethodnom dogovoru nasiljem, drskim i bezobzirnim ponašanjem ugrozili građanski mir i pritom drugog lako tjelesno ozlijedili.

Čime su počinili kazneno djelo Nasilničko ponašanje iz člana 362. stav 2. u vezi sa stavom 1. KZ F BiH, a sve u vezi sa članom 31. istog zakona.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom